



Reglur fyrir Deildakeppni Badmintonsambands Íslands

1. grein

Deildakeppni Badmintonsambands Íslands (BSÍ) í badminton er liðakeppni félaga innan vébanda ÍSÍ.

Leikið skal samkvæmt eftirfarandi reglum um Deildarkeppni BSÍ og mótareglum BSÍ þar sem við á. Ef þessar reglur ná ekki yfir einhver atriði sem upp koma þá gilda reglur Badmintonsambands Evrópu(BE) og Alþjóða Badmintonsambandsins(BWF).

Sigurliðið í hverri deild er Íslandsmeistari deildarinnar. Sigurlið / efstu lið Úrvalsdeildar vinnur / vinna sér inn keppnisrétt í Evrópukeppni félagsliða, mv. reglur BE hverju sinni um fjölda liða frá hverju landi.

2. grein

Þátttakendur:

- Rétt til þátttöku eiga öll aðildarfélög ÍSÍ.
- Hverju félagi er heimilt að senda eitt eða fleiri lið til þátttöku.
- BSÍ tekur við skráningu liðanna og setur upp í League planner, birtir á Tournament software og tilkynnir félögum.
- Allir leikmenn liða skulu vera skráðir í aðildarfélag innan ÍSÍ og keppa fyrir það félag.
- Leikmaður hefur ekki þátttökurétt í 2. deild ef:
 - Leikmaður hefur verið færður upp í efstu deild þ.e. Meistaraflokk þegar það var og hét á einhverjum tímamarki.
 - Leikmaður hefur unnið sig upp í Úrvalsdeild samkvæmt styrkleikalista á einhverjum tímamarki.
 - Leikmaður hefur orðið Íslandsmeistari í A-flokki/1.deild.
- Að öðru leiti má skrá leikmenn í hvaða deild sem er óháð styrkleikalista BSÍ.
- Leikmannafjöldi í hverju liði þarf að vera að lágmarki fjórir í Úrvalsdeild, tveir karlar og tvær konur og lágmark sex í 1. deild og 2. deild, fjórir karlar og tvær konur.
- Varðandi félagaskipti leikmanna gilda félagaskiptareglur BSÍ.
- Allir félagsmenn hvers félags geta verið á varamannalista.
- Íslenskir ríkisborgarar búsettir erlendis eiga alltaf keppnisrétt á Íslandsmótum.

Erlendir ríkisborgarar:

- Erlendir ríkisborgarar sem eru með skráð lögheimili hér á landi og hafa verið skráðir í aðildarfélag ÍSÍ í minnst 30 daga fyrir leik viðkomandi hafa rétt til þátttöku. Þá geta einnig erlendir ríkisborgarar sem hafa haft fasta búsetu hér á landi í minnst 30 daga fyrir leik viðkomandi og verið skráðir í aðildarfélag ÍSÍ á sama tíma átt rétt til þátttöku.
- Erlendir ríkisborgarar þurfa að vera skráðir í félag innan ÍSÍ.
- Skráningu erlendra ríkisborgara í aðildarfélag ÍSÍ þarf að tilkynna til BSÍ eins og um félagaskipti sé um að ræða og skal tilkynning send á deildakeppni@badminton.is. 30 dögum eftir að tilkynning berst er keppandinn kominn með keppnisrétt fyrir félagið að því gefnu að hann uppfylli jafnframt skilyrði um lögheimilisskráningu eða fasta búsetu.

3. grein

Deildarskipting:

- Í keppninni eru þrjár deildir: Úrvalsdeild, 1. deild og 2. deild.

4. grein

Keppnisfyrirkomulag:

- Keppni tveggja liða í Úrvalsdeild eru samtals 5 leikir sem hér segir:
 - 1 einliðaleikur karla
 - 1 einliðaleikur kvenna
 - 1 tvíliðaleikur karla
 - 1 tvíliðaleikur kvenna
 - 1 tvenndarleikur
- Í 1. deild og 2. deild eru samtals 7 leikir sem hér segir:
 - 2 einliðaleikir karla, í styrkleikaröð
 - 1 einliðaleikur kvenna
 - 2 tvíliðaleikir karla
 - 1 tvíliðaleikur kvenna
 - 1 tvenndarleikur
- Í upphafi keppnistímabils þarf að skrá fjölda liða frá hverju félagi, fyrir lok skráningardags. Tveimur vikum seinna, fyrir ákveðna tímasetningu, þarf að senda inn nafnalista fyrir hvert lið.
- Hverju félagi er heimilt að senda eitt eða fleiri lið til þátttöku. Einnig geta félög sameinast um lið.
- Heiti liðs skal auðkenna með heiti félags/félaga þeirra leikmanna sem eru í liðinu. Ásamt því er heimilt að auðkenna liðin með íslensku nafni, tölustaf eða bókstaf.
- Leikjaniðurröðun í hverri viðureign er samkvæmt samkomulagi fyrirliða liðanna. Ef ekki næst samkomulag skal leika samkvæmt niðurröðinni hér að ofan.
- Hver leikmaður má leika tvo leiki í keppni tveggja liða og þá ekki í sömu grein.
- Ef leikmaður er í tveimur leikjum í röð á hann rétt á amk. 15 mínútna hvíld á milli leikjanna.

- Sigur í hverri viðureign gefur 2 stig.
- Sérhver leikmaður getur aðeins keppt með einu liði.
- Liðsuppstillingu skal senda á deildakeppni@badminton.is 4 klst. fyrir hverja viðureign.
- Fyrirliðar liðanna fylla út í sameiningu eitt liðsuppstillingarblað og skrá þar inn öll úrslit. Mikilvægt er að skrá rétt úrslit þ.e. lotur og stig.
- Fyrirliði heimaliðs skal senda inn úrslit til BSÍ á deildakeppni@badminton.is, innan sólahrings frá lok viðureignar og afrit á gestaliðið.
- Ef leikur er gefinn, áður en hann hefst, eru úrslit skráð 21-0 og 21-0. Ef leikur er gefinn, eftir að hann hefst, er skráð eins og leikurinn hefði klárast, án þess að sá sem gaf hafi fengið fleiri stig. Ef leikmaður sem meiddist / veiktist er skráður í aðra leiki í viðureigninni þá gildir eftirfarandi: Í Úrvalsdeild er / eru aðrir leikir leikmannsins gefnir. Í 1. og 2. deild má, með samþykki beggja fyrirliða, setja inn varamann, ef hann er skráður í liðið og er á staðnum.
- Ef fresta þarf viðureign þarf það að gerast í samráði beggja liða. Ef ekki næst samkomulag þá skal spila á settum leikdegi. Tilkynna þarf breytinguna til BSÍ.
- Að hámarki má kalla inn 2 leikmenn af varamannalista í hverri umferð.
- Sé leikmaður kallaður inn í lið af varamannalista er leikmaðurinn bundinn því liði og ekki lengur gjaldgengur sem varamaður í önnur lið félagsins.
- Verði lið jöfn að stigum í lok keppinnar ráðast úrslit af fjölda sigurleikja, þá mismun af unnum lotum og töpuðum, en loks af mismun unninna stiga og tapaðra. Ef enn er jafnt skal varpað hlutkesti um úrslitin.
- BSÍ er heimilt að skipta liðum í riðla ef þörf er á, og setja nánari reglur um keppni milli riðlanna.
- Hvert félag sendir inn ákveðinn leikdag fyrir hvert lið.
- Hvert lið skal spila í liðsbúning.
- Alla leiki skal spila með kúlum sem BSÍ skilgreinir í mótsoði.

5. grein

Umgjörð:

- Í Úrvalsdeild skal heimalið sjá um að dómari sé á öllum fimm leikjunum. Í 1. deild og 2. deild skal heimalið útvega teljara.
- Heimalið skal sjá um að nægur fjöldi kúla séu til staðar fyrir hverja viðureign.

6. grein

Ágreiningur – endurskoðun reglna:

- Komi upp ágreiningur í viðureign tveggja liða skulu fyrirliðar liðanna senda inn til BSÍ, á deildakeppni@badminton.is, skriflegar upplýsingar um ágreiningsatriðið.
- Stjórn BSÍ mun ef þurfa þykir endurskoða og lagfæra reglur þessar yfir tímabilið en annars í lok tímabilsins.

Mótareglur þessar voru samþykktar uppfærðar af stjórn BSÍ á 14.OKTÓBER 2022.